

## म्हारी भंवरावाली मईया म्हारे मन बसगी

म्हारी भंवरावाली मईया म्हारे मन बसगी,  
नवराते में आवां मईया म्हारे जचगी ।

गोरिया में मईया थारो मंदिर विशाल है,  
काणा में तो कुंडल सोवे,माथे बिंदिया लाल है,  
नाक में या नथ थारी म्हारे जचगी,  
नवराते में आवां मईया म्हारे जचगी ।

रोली-मोली काजल म्हारी मईया के चढावांगा,  
जीण माँ के मन्दिरिये में धौंक लगावांगा  
रोम रोम में मईया म्हारे मन बसगी,  
नवराते में आवां मईया म्हारे जचगी ।

लाल सुरंगी चुनड मईया,बीच तारा रो जाल है,  
हांथां में है बाजूबंद,कब्जो सोहे लाल है,  
जीण जयंती माता म्हारे मन बसगी,  
नवराते में आवां मईया म्हारे जचगी ।

भंवरावाली मईया म्हे तो गुण थारा गावांगा,  
लेकर के निशान मईया मंदिर थारे आवांगा,  
महावीर गुण गावे मईया मन बसगी,  
नवराते में आवां मईया म्हारे जचगी ।

म्हारी भंवरावाली मईया म्हारे मन बसगी,  
नवराते में आवां मईया म्हारे जचगी ।

भजन गायक - सौरभ मधुकर  
संपर्क - 9831258090

<https://www.bhajanganga.com/bhajan/lyrics/id/1384/title/mhari-Bhanwrawali-maiya-mhare-man-basgi-Jeen-Mata-Rajasthani-Bhajan-with-Hindi-lyrics-by-Saurabh-Madhukar>

अपने Android मोबाइल पर [BhajanGanga](#) App डाउनलोड करें और भजनों का आनंद ले ।